



REPUBLIKA E KOSOVËS  
REPUBLICA KOSOVA - REPUBLIC OF KOSOVA  
KOMISIONI I PAVARUR I MEDIAVE  
NEZAVISNA KOMISIJA ZA MEDIJE  
INDEPENDENT MEDIA COMMISSION



Telkos  
Enver Berisha  
Drejtor  
Prishtinë

**VENDIM**

**Lidhur me Ankesën nr. 2021/169 Telkos (Palë ankuese)  
kundër TE7**

**Faktet**

1. Komisioni i Pavarur i Mediave (KPM) ka miratuar Rregulloren për Shpërndarjen e Ofruesve të Shërbimeve Mediale Audio dhe Audiovizuale KPM-2020/01, e cila ka hyrë në fuqi më 3 nëntor 2020. Me këtë Rregullore janë përcaktuar rregullat dhe procedurat për shpërndarjen e ofruesve të shërbimeve mediale nga ana e operatorëve, të cilët pavarësisht teknologjisë së përdorur, shpërndajnë përmbajtje audio dhe audiovizuale.
2. Me datën 11 mars 2021 Operatori Kujtesa Net e ka njoftuar Palën ankuese se të drejtat e distribuimit për kanal TE 7 tash e tutje i ka siguruar operatorin Kujtesa Net dhe se për t'i siguruar këto të drejtat udhëzohet të komunikojë me operatorin Kujtesa Net.
3. Kujtesa Net me datën 15 prill 2021 dhe TE 7, përmes një emali i ka bërë ftesë Palës Ankuese për të arritur marrëveshje bashkëpunimi, duke ia dërguar edhe ofertën.
4. Pala ankuese me datën 21 prill 2021 ka parashtruar ankesë kundër OSHMA TE 7 me pretendimin e shkeljes së nenit 10 të Rregullores KPM-2020/01, për shkak të diskriminimit që i është bërë Palës ankuese në raport me operatorin IPKO.

**Analiza ligjore**

5. Komisioni bazuar në të gjitha faktet dhe analizat e lartpërmendura konstaton se pretendimet ankimore të Palës ankuese janë trajtuar në kuptim të nenit 10, paragrafi 1 dhe 2 të Rregullores KPM-2020/01 për Shpërndarjen e Ofruesve të Shërbimeve Mediale Audio dhe Audiovizuale.
6. Neni 10, paragrafi 1, i Rregullores KPM-2020/01, përcakton se:

*“OSHMA-të të cilat nuk e gëzojnë statusin e bartjes së obligueshme, mund të barten nga operatorët e shpërndarjes vetëm në bazë të marrëveshjes valide.”*

7. KPM e ka njoftuar palën ankuese se OSHMA-të të cilat nuk e gëzojnë statusin e bartjes së obligueshme (ato të cilat janë jashtë brezit-frekuencor radio-difuziv), mund të barten vetëm mbi bazën e një marrëveshjeje valide të arritur me bartësin e të drejtës. Në bazë të këtij neni mbet obligim i operatorëve të shpërndarjes që të sigurojnë marrëveshje valide për bartjen e një OSHMA-je.
8. Ndërsa neni 10, paragrafi 2, i Rregullores KPM-2020/01, përcakton se:  
  
*“OSHMA-të, pavarësisht formës së transmetimit, duhet të ofrojnë sinjalin në baza jo-diskriminuese dhe jo-ekskluzive ndaj të gjithë operatorëve të shpërndarjes, në mënyrë që publiku të mos përjashtohet nga qasja në informim”*
9. Në lidhje me pretendimin ankimor se TE 7 ka diskriminuar Palën ankuese në raport me operatorin IPKO, KPM ka iniciuar procedurë të vlerësimit dhe ka analizuar të gjitha dokumentet dhe komunikimet në mes të palëve në lidhje me pretendimet e tyre.
10. Nga provat e siguruara në mes të palëve në proces, vërehet se TE 7 ka shprehur gatishmëri për lidhje të marrëveshjes së transmetimit dhe se ka ndërmarrë hapa për të vepruar në pajtim me nenin 10 të Rregullores KPM-2020/01.
11. KPM, konstaton se Palës ankuese i është dhënë mundësia për të hyrë në marrëveshje, ashtu siç përcaktohet me nenin 10 të Rregullores KPM-2020/01. Lidhur me arritjen e marrëveshjeve për transmetim Rregullorja kërkon proces të negocimit në mes të palëve dhe se një marrëveshje transmetimi është çështje e cila duhet arritur në mes të vetë palëve kontraktuese, bazuar në interesat e tyre komerciale, dhe se KPM nuk mund të ndërhyjë në këtë proces.
12. Në bazë të dëshmimeve të cilat kanë rezultuar nga vetë komunikimi i palëve në proces vërehet se Palës ankuese i është dhënë mundësia e lidhjes së marrëveshjes së transmetimit dhe se nuk është diskriminuar në këtë proces.
13. KPM, duke u bazuar në faktet e lartpërmendura, konstaton se OSHMA TE 7 ka shprehur gatishmëri për të lidhur marrëveshje me Palën ankuese, ashtu siç përcaktohet me nenin 10 të Rregullores KPM-2020/01.

#### Vendim

14. Refuzohet si e pabazuar Ankesa e Palës ankuese, përmes së cilës pretendohet se OSHMA TE7 ka vepruar në kundërshtim me nenin 10, paragrafi 1 dhe 2 të Rregullores KPM-2020/01.

#### E drejta për ankesë

15. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.

16. Bordi për Ankesa do t'i merr parasysh vetëm ankesat e bazuara në informacione ligjërisht relevante të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.

  
Xhevat LATIFI  
Kryetar



02.06.2021  
Datë